

命 令

臨時大總統令

任命王正廷爲工商次長此令

中華民國元年四月十五日即壬子年二月二十八日大總統蓋印

臨時大總統令

任命徐沅爲津海關道此令

中華民國元年四月十五日即壬子年二月二十八日大總統蓋印

臨時大總統令

任命周維藩署山西太原鎮總兵此令

中華民國元年四月十五日即壬子年二月二十八日大總統蓋印

臨時公報

陽歷四月十六日即壬子二月二十九日

電報

上海唐總理來電 陽歷四月十五日即壬子二月二十八日

袁大總統鑒儀准今夕乘新昌輪直駛天津夜半啟輪同行約八十人謹聞儀刪二

蘇州莊都督上大總統電 陽歷四月十三日即壬子二月二十六日

准江蘇臨時省議會知會本月初七日遵照大總統通令選出參議院議員五名候補參議員五名開摺請電達並聲明此次選舉根據舊時甯蘇分額之習慣票數分甲乙兩部計算等情查摺開參議員甲部王嘉賓張鶴第乙部秦瑞玠楊廷棟陳陶怡候補參議員甲部王立廷凌文淵乙部雷奮汪榮寶張家鎮相應電請大總統查照江蘇都督莊蘊寬叩文印

蘇州莊都督上大總統電 陽歷四月十三日即壬子二月二十六日

本省選舉參議院參議員暨候補參議員各五名昨經文電將姓名報明在案旋准乙部陳陶怡辭不應選遞補之雷奮又辭退現應以汪榮寶遞補合即電請查照江蘇都督莊蘊寬叩文印

臨時公報

陽歷四月十六日即壬子二月二十九日

批 呈

署河南都督呈河陝汝道馬開玉因病稟請開缺文

爲呈請事據河陝汝道馬開玉稟稱竊職道前次因病電稟請假當蒙憲恩照准委河南府啟守兼署賞假一月俾資醫調等因遵卽交卸回省醫治迄今假期屆滿病仍未痊據醫者云實因年老氣血虧損兼之舊有勞傷一時實難奏效必須長加靜養逐漸調理方可就痊應卽懇請開缺以資調養理合稟請鑒核俯准開缺俾得回籍調養一俟病體就痊卽當趨詣崇階力圖報効等情據此除稟批示外理合具文呈請伏乞
大總統鑒核示遵施行

批據呈已悉應卽照准并交該衙門備案此批

中華民國元年四月十四日卽壬子年二月二十七日

管理火器營務正黃旗滿洲都統世鐸等呈請以額勒賀補外火器營翼長文

爲呈請補官以重職守而專責成事查外火器營翼長國勝前因患病曾於上年十二月間呈請原品休致在案所出之缺當委卓異記名副都統印務營總額勒賀署理查該員自署任以來於營務一切頗能竭力維持措置亦多裕如查翼長一缺係屬闔營表率未便久懸擬請將現署翼長額勒賀補授斯缺實於營務有裨理合呈請
大總統鑒核施行所遺營總各缺容另揀員再行請補爲此謹呈
批據呈已悉應卽照准并交該部備案此批

中華民國元年四月十四日卽壬子年二月二十七日

陽歷四月十六日即壬子二月二十九日

山東都督張廣建呈請以夏仁溥補甯海州知州文

為呈請事竊據署布政使余則達署提學使方燕年署提法使丁道津巡警道吳炳湘署勸業道劉崇惠會詳稱甯海州知州汪鴻孫丁憂所遺員缺查照定章應以實缺丁憂起復應補知州夏仁溥請補等情前來查夏仁溥年四十七歲江蘇上元縣人由附生兼襲雲騎尉應光緒十五年本省鄉試中式舉人二十七年任皖省秦晉賑捐案內報捐直隸州州同分省試用在兩江陸師學堂畢業案內保准免補本班以知州分省補用經前清王大員驗看發往山東補用三十一年十月初三日到省補授濮州知州丁憂起復宣統三年三月二十六日仍回山東歸應補班補用查該員練達有為講求吏治以之請補甯海州知州實堪勝任與定章亦屬相符除咨叙官局查照外理合具文呈請

大總統鑒核飭議核覆施行

批據呈已悉交該衙門查核辦理此批

中華民國元年四月十四日即壬子年二月二十七日

署山東都督余則達呈接印日期文

為呈請事竊照本署布政使仰承大總統任命署理山東都督遵於中華民國元年四月初一日即壬子年二月十四日接印任事除分咨各省都督外理合具文呈請

大總統鑒核施行

批據呈已悉此批

中華民國元年四月十四日即壬子年二月二十七日

呈文

學部呈吉林農業教員講習所簡易科畢業請查照備案文

爲呈明事實業司案呈准吉林都督咨開據兼署提學使吳肅詳稱吉林官立中等農業學堂附設農業講習所簡易科學生畢業照章請給獎勵詳咨部事查吉林省官立中等農業學堂附設農業教員講習所簡易科於宣統二年正月招生開學扣至宣統三年十二月底止修業二年屆滿由該堂會同各項學務人員分科試驗核定分數計取列最優等八名優等二十七名中等四名下等一名遵章填給畢業文憑在案茲據該堂監督造具各生履歷分數表冊呈請轉詳咨部給獎前來查學部具奏籌議實業教員講習所畢業獎勵辦法摺內開農業商業兩種並准設立簡易科招收學生及畢業年限均仿照初級師範簡易科辦理畢業後准其比照初級師範簡易科畢業獎勵章程分等給獎等因奉此此次該堂畢業之農業教員講習所簡易科學生自應遵章請獎以示鼓勵所有吉林官立中等農業學堂附設農業教員講習所簡易科學生畢業請獎各緣由理合彙齊學生履歷分數冊暨文憑存根冊詳請咨部等情前來本都督覆核無異除批准如詳咨部核獎外所有官立中等農業學堂附設農業講習所簡易科學生舉辦畢業請獎緣由相應檢同表冊咨請查核施行等因並表冊前來查該堂附設之農業教員講習所簡易科曾經本部核准有案該生等既經肄業二年期滿所有考試及格之呂調元婁學謙夏遜文隋洞春王明珊趙連科鄭蕙馨孫焯李樹棠徐桂芳劉秉乾范克剛楊文瀛馬警棠劉冠軍孫毓琛李萬年王之幹徐雲鵬徐洪志石殿選張連級劉豐三徐乃中井橋仙楊靜關寶賢王化民馬國榮馮鴻遇張守成王蔭清劉玉璞文溥慶廉赫永清朱志

陽歷四月十六日即壬子二月二十九日

文劉殿海孫鑑張紹書等四十名應即准其畢業惟民國成立以後從前畢業獎勵章程未便再爲援引所請給獎之處應無庸議除咨覆吉林都督轉飭遵照外理合呈請鈞政府查照備案並登報公布可也

中華民國元年四月十三日即壬子年二月二十六日

公函

郵傳部鐵路總局致京

張奉漢

路局函

四月初一日

逕啟者現奉堂諭以京津保定等處自遭擾亂之後居民謀食維艱又復糧價騰昂自應設法維持俾濟民食所有由各處運至京津保定各糧食均宜酌減車價已減者酌延長期限以惠窮黎等因用特函達希即查照辦理仍希將減價及期限辦法見復爲盼專此順頌台安

十

咨札

郵傳部鐵路總局札各路局文 四月初十日

鐵路總局爲通飭遵辦事現在民國統一臨時政府行將成立財政一端尤爲目前主要問題各路款項支絀應興應革諸大端多爲所牽制而不能即時舉辦本局長深用歉然現時軍事已終亟應整理財政以爲建設之基礎查各路上年迭呈本年預算表册自軍興以來收入之款銳減支出之款又多臨時加增前項預算表册已多不能符合亟應編成臨時預算以憑核准施行庶動支經費不致茫無依據除分行外合亟札飭札到該局迅即按照上年預算款目分別何者可減何者應增何者可移緩以就急何者應益寡而哀多務期力求節省以期收支適合現在全國既係一律改用陽歷即自本年陽歷正月一號起截至十二月止作成本年臨時預算其本年數月內已收已支之款均應分別註明限文到二十日內即行造齊表册彙呈本總局以憑彙核事關要政萬勿少延是爲至要切切此札

郵傳部鐵路總局札京漢奉鐵路局飭設模範車站車隊文

爲札飭事照得各路車務應行改革之事甚多數年來籌畫經營迄以限於款項人才未由興舉然此爲目下通病若長此懸待將永無著手之時亟應設法變通先其所急並擬一簡捷而易普徧之法即行試辦查車務缺點強半在車務車隊設備不完客商之所責望者亦多在此茲擬先就京奉京漢兩路之北京東西站及奉天漢口站共設立模範車站四處一切設備應

陽歷四月十六日即壬子二月二十九日

極完全每站各設一高級車務人員司理其事當教練指揮調度之責其站長司票司電下至司閘司旗同應人等皆應嚴選熟練明慎程度優異者充之並另由各站各級人中各調智識較高有志向上者每項各數人在該四站充練習員與站中人一律執事定期三個月爲卒業屆期由總辦督同車務處考驗程度分定等第給與文憑優者派調大站次者令回原差不堪造就者卽行淘汰至練習期內其原充之差應暫不開由車務處遴員代理但原差薪水本人祇能照支一半似此辦法一班卒業再易一班全路各站期以一年半卽行普及各該員各就練習所得實施於所到之站一切精神形式當可次第改良再於工程車輛漸求美善庶有完備之一日至車隊應從通車快車二者下手所有辦法一選車首二選夫役三嚴定各項待客規則其事較車站爲簡但一切練習辦法應與車站大略相同此改良車站車隊管理法之大概也以上各節不過僅就大概言之至於如何見諸實行如何得收實效此全在辦事者之精神貫注以公心行實事不可有絲毫畏難見好之意於其間至各站高級車務人員以本國人之久在本路者爲相宜目下頗難其選好在此職係屬特設不妨以地位較高者充之倘本路無人應向他路調用不可略存畛域之見此外施行細則尙當詳細討論仰該總辦迅卽督同車務處認真研究刻日見復

該路車務近於改良之事進步頗遲於名譽不無關係該路車務近日迭加改良照塘嘉許更應力圖進步以樹風聲

當此廓清掃蕩之際正予吾輩以辦事之機會幸勿輕忽錯過也切切此札

中華民國元年四月初十日

公啟

參議院暫設事務所公啟

現奉 大總統諭南京參議院已議定遷至北京參議員定於本月二十一日以前齊集應暫設事務所豫備料理接待一切事宜等因現已擇定宣武門內象坊橋法律學堂（即前資政院）爲參議院暫設事務所各省參議員到京者請自本月十一日起每日上午十點鐘至下午三點鐘蒞所接洽凡應投參議院文件電報亦望逕投本所爲要
中華民國元年四月初十日

